

22/3/2018

KENYATAAN MEDIA

oleh Dato' Ir. Jaseni Maidinsa,
Ketua Pegawai Eksekutif,
PBA Holdings Bhd (PBAHB) dan
Perbadanan Bekalan Air Pulau Pinang Sdn Bhd (PBAPP)

PULAU PINANG BERSEDIA UNTUK MENGAMBIL ALIH SEMULA EMPANGAN MENGKUANG, DENGAN SYARAT- SYARAT TERTENTU.

PULAU PINANG, Khamis (22/3/2018): Pulau Pinang bersedia untuk mengambil alih semula Empangan Mengkuang yang telah diperbesarkan kepada 73.5 bilion liter dari Kementerian Tenaga, Teknologi Hijau dan Air (KeTTHA), dengan syarat-syarat tertentu:

1. KeTTHA akan memperuntukkan RM100 juta bagi pembinaan sebuah ampang jajar baru merentasi Sungai Muda di Rantau Panjang, Seberang Prai Utara. Ampang jajar baru akan menggantikan ampang jajar sedia ada yang telah dibina 46 tahun yang lalu.
2. KeTTHA akan membina Rumah Pam Lahar Yooi yang pada asalnya bernilai RM80 juta di bawah "Rolling Plan 4". Tanpa rumah pam ini, ia akan mengambil masa yang lama untuk mengisi dan memenuhi semula Empangan Mengkuang yang telah diperbesarkan.
3. KeTTHA akan menyiapkan projek saluran paip air mentah yang pada asalnya RM100 juta dari Rumah Pam Mak Sulong di Seberang Prai Tengah yang baru dinaik taraf ke Terusan Sungai Dua menjelang Mac 2020. Saluran paip ini sepanjang 6.85km dengan diameter 1.6 meter, adalah perlu untuk pemindahan air mentah yang efisien dari empangan ke Loji Rawatan Air Sungai Dua.
4. KeTTHA akan menanggung kos pengepaman air mentah di Rumah Pam Mak Sulong untuk memenuhi Empangan Mengkuang.
5. KeTTHA akan bertanggungjawab ke atas integriti struktur Empangan Mengkuang yang diperbesarkan sehingga ia diisi dan diuji pada tahap tertinggi 55 meter. Oleh itu, KeTTHA mesti menanggung kos

melantik seorang kontraktor untuk melaksanakan kerja rektifikasi jika ada kerosakan yang dikesan.

6. KeTTHA akan menyerahkan keseluruhan tapak Projek Pembesaran Empangan Mengkuang (MDEP), bersama-sama dengan Rumah Pam Mak Sulong yang baru dinaik taraf kepada Pulau Pinang.
7. KeTTHA akan menyelaraskan, memudah cara dan menjadi pengantara perbincangan antara Pulau Pinang dan Perak untuk cadangan Skim Penyaluran Air Mentah Sungai Perak (SPRWTS). SPRWTS sangat diperlukan untuk memastikan jaminan air bagi kedua-dua negeri sehingga tahun 2050.
8. KeTTHA akan menjalankan kerja memperbaiki semua cerun di tapak empangan, berikutan tanah runtuh yang berlaku di lokasi dalam tempoh September - November 2017.
9. KeTTHA akan menjalankan kerja membetulkan penutup rumput di bahu empangan.

Harap maklum bahawa KeTTHA mesti mematuhi syarat 1 hingga 7 sebelum ia menyerahkan Empangan Mengkuang yang baru dibesarkan dan Rumah Pam Mak Sulong yang baru dinaik taraf.

Bagi syarat-syarat 8 dan 9, KeTTHA perlu mengambil langkah-langkah untuk membaik pulih cerun di sepanjang jalan perimeter 11km di sekitar empangan, dan rumput di bahu empangan, dalam masa yang munasabah, dengan kos ditanggung KeTTHA.

Pulau Pinang bersedia untuk mengambil alih semula Empangan Mengkuang di bawah syarat-syarat ini. Walau bagaimanapun, sehingga semua cerun yang rosak di tapak diperbaiki dengan memuaskan, empangan ini mesti ditutup kepada orang awam atas sebab keselamatan.

Terima kasih.

Dato' Ir. Jaseni Maidinsa,
Ketua Pegawai Eksekutif,
PBA Holdings Bhd (PBAHB) dan
Perbadanan Bekalan Air Pulau Pinang Sdn Bhd (PBAPP)

Dikeluarkan oleh : Puan Syarifah Nasywa bt Syed Feisal Barakbah
Unit Komunikasi Korporat
Tel : 04-200 6607
Email : syarifah@pba.com.my

